

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՄԱՔՍԱՅԻՆ ԿԱՆՈՆՆԵՐԻ ԽԱԽՏՄԱՆ ՎԵՐԱԲԵՐՅԱԼ ԳՈՐԾԻ ՎԱՐՈՒՅԹԸ
ԿԱՐՃԵԼՈՒ ՄԱՍԻՆ

«23» նոյեմբեր 2023թ.

ք. Երևան

Ես՝ ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետ Վլադիմիր Սաֆարյանս, քննելով՝ «Թրեյդ Էքսպորտ» ՓԲ ընկերության (ՀՎՀՀ՝ 02643141) տնօրեն Ռազմիկ Չիտչյանի (անձը հաստ. փաստ.՝ BAC803637, հասցե՝ ՀՀ, ք. Երևան, Վիլնյուսի փող. 73 շենք, 24 բն.) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բաժնողնման բաժնի մաքսային տեսուչի կողմից 07.11.2023 թվականին «Թրեյդ Էքսպորտ» ՓԲ ընկերության տնօրեն Ռազմիկ Չիտչյանի նկատմամբ կազմվել է մաքսային կանոնների խախտման վերաբերյալ արձանագրություն՝ մաքսային կարգավորման մասին ՀՀ օրենքի 304-րդ հոդվածի հատկանիշներով, որ թիվ 05100022/060723/0023157 տարանցման հայտարարագրով Բավրայի մաքսային կետ-բաժին անցակետով «Թրեյդ Էքսպորտ» ՓԲ ընկերությանը պատկանող ՀՀ տարածք ներմուծված և 07.07.2023 թվականին մաքսային մարմինների ժամանակավոր պահպանությանը հանձնված 7,280 կգ ապրանքների վերաբերյալ մինչև ժամանակավոր պահպանության ժամկետի լրանալը մաքսային հայտարարագիրը մաքսային մարմնին չի ներկայացվել:

Մաքսային կանոնների խախտման վերաբերյալ արձանագրությունը ժամանակին ուղարկվել է «Թրեյդ Էքսպորտ» ՓԲ ընկերության տնօրեն Ռազմիկ Չիտչյանին՝ ուղեկցող գրությամբ, նշելով նշանակված գործի քննության ժամանակի և իր իրավունքների մասին:

Գործի քննությամբ բացահայտվել է՝ որ թիվ 05100022/060723/0023157 տարանցման հաշտարարագրով ՀՀ ներմուծված 7,280 կգ քաշով ապրանքները սահմանված ժամկետում «Թրեյդ Էքսպորտ» ՓԲ ընկերության կողմից 04.10.2023թ-ին հայտարարագրվել է 05100010/041023/0099672 ապրանքների հայտարարագրով:

ՀՀ մաքսային կարգավորման մասին 301-րդ հոդվածի 1-ին մասի համաձայն մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական իրավախախտումների վերաբերյալ ՀՀ օրենսգրքի /այսուհետ՝ Օրենսգիրք/ 279-րդ հոդվածի համաձայն՝ վարչական իրավախախտման վերաբերյալ գործը քննելիս մարմինը (պաշտոնատար անձը) պարտավոր է պարզել՝ կատարվել է, արդյոք, վարչական իրավախախտում. արդյոք, տվյալ անձը մեղավոր է այն կատարելու մեջ. արդյոք, նա ենթակա է վարչական պատասխանատվության. կան, արդյոք, պատասխանատվությունը մեղմացնող և ծանրացնող հանգամանքներ:

Օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Վարչական իրավախախտումների վերաբերյալ ՀՀ օրենսգրքի 247-րդ հոդվածի համաձայն՝ Վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման վարչական իրավախախտման դեպքի կամ կազմի բացակայության հանգամանքի առկայության դեպքում:

Այսպիսով, թիվ 05100022/060723/0023157 տարանցման հայտարարագրով ՀՀ ներմուծված ապրանքները սահմանված ժամկետում հայտարարագրվել է թիվ 05100010/041023/0099672 ապրանքների հայտարարագրով, այսինքն բացակայում է իրավախախտման դեպքը:

Հիմք ընդունելով մաքսային կարգավորման մասին ՀՀ օրենքի 334 հոդվածի 1-ին կետի 2) ենթակետը, ՀՀ վարչական իրավախախտումների վերաբերյալ օրենսգրքի 247-րդ հոդվածի 1-ին կետը՝

Ո Ր Ո Շ Ե Ց Ի

1. «Թրեյդ Էքսպորտ» ՓԲ ընկերության տնօրեն Ռազմիկ Չիտչյանի վերաբերյալ 07.11.2023թ-ին հարուցված մաքսային կանոնների խախտման վերաբերյալ գործի վարույթը կարճել:
2. Սույն որոշումն ուժի մեջ է մտնում կայացման պահից:

ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության

Ղեկավար՝

Վլադիմիր Սաֆարյան

(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

(ստորագրություն)

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

« _____ » _____ 2023 թ.

(որոշման օրինակի ստացման ամսաթիվը)